

आकाशवाणी

खबरां नाटयपाल सिंह कोला,

पैहले खास-खास खबरां:-

1. इसरो नै धरती पर निगरानी रखने आला उपग्रह EOS-05 श्री हरिकोटा थमां कामयाबी कन्नै लॉच कीता ऐ। प्रधानमंत्री नरेन्द्र मोदी होरें इस सफल लॉच गी भारत दी बदधी समर्थ दा प्रतिक दस्सेआ ऐ।
2. FCRA संशोधित बिल दा परीक्षण करने लेई 31 मिम्बरी संयुक्त संसदीय कमेटी दा गठन कीता गेआ ऐ।
3. भारत दा सुप्रीम कोर्ट अज्जै थमां नमीं दिल्ली च ब्रिक्स मुख न्यायधीक्ष फोरम दी मेजबानी करा'रदा ऐ।
4. मुख्य भरै च अज्ज "जन्माष्टमी" दा त्योहार मनाया जा'रदा ऐ।
5. ते भारतीय महिला क्रिकेट हांगकांग गी 137 रन्जें कन्नै हराइयै टी-20 एशिया कप दे सैमीफाईनल च पुज्जी गेई ऐ। स्मृति मनदाना महिला टी-20 एशिया कप च सारें शा बद्ध रन्ज बनाने आली खडारन बनी गेइयां न।

<><><><><><>

ते हून खबरा विस्तार कन्नै:-

<><><><><><>

ISRO

अज्ज बड्डलै सवेला श्री हरिकोटा दे सतीश धवन अंतरिक्ष केन्द्र थमां भारत दे पैहले-
पैहले Imaging उपग्रह गी सफलता कन्नै Geosynchronous Orbit च प्रक्षेपित कीता।

इसरो नै दस्सेआ जे भलेआ अज्जै-कल्लै आहले धरतै दी निगरानी करने आहले
अंतरिक्षयान EOS-05 गी सफलता कन्नै Sub Geosynchronous Orbit च प्रक्षेपित कीता
गेआ।

एह उपग्रह Real Time तस्वीरां हासल करोआग ते कृषि ते आपदा प्रबंधन जनेह खेत्रें च
देसै दी मदाद करोग।

<><><><><><>

PM-EOS-05 ISRO

प्रधानमंत्री नरेन्द्र मोदी होरें EOS-05 गी लेइयै जा'रदे GSLV-F17 रॉकेट दे सफल लॉच
उप्पर भारतीय अंतरिक्ष शोध संगठन इसरो गी मुबारकबाद दिती ऐ। ए भारत दा पैहला
धरतै दे कन्नै अपनी स्थिति बदलने आला उपग्रह ऐ। अपने सोशल मीडिया पोस्ट च
श्री मोदी होरें इस सफल लॉच गी श्रेष्ठता- नवाचार ते अंतरिक्ष क्षेत्र च भारत दे बद्धे
रसूख दा परिणाम दस्सेआ। प्रधानमंत्री होरें आखेआ जे इसरो दे भारतीय उद्योगें
बशकार सांझ-भ्याली मुख्खै दे अंतरिक्ष प्रोग्राम च होर ऊर्जा ते ताकत भरा'रदी ऐ ते
भारत दी समर्थ गी होर अगड़ा लेइयै जा'रदी ऐ। श्री मोदी होरें इसरो दी इस उपलब्धि
गी मुख्खै आस्तै गर्व दा पल करार दिता।

<><><><><><>

FCRA

सरकार नै विदेशी अंशदान विनियम संशोधित बिल 2026 यानि FCRA दी जांच करने लेई 31 मिम्बरी संयुक्त संसदीय कमेटी दा गठन कीता ऐ। लोकसभा सांसद Sanjay Jaiswal होर इस कमेटी दी अध्यक्षता करगंन। इस कमेटी च लोकसभा थमां Bhartruhari Mahtab- तेजस्वी सूर्या- Nishikant Dubey- A. Raja and Supriya Sule ते राज्यसभा थमां Harsh Vardhan Shringla- संजय कुमार झा- Praful Patel ते Menaka गुरु स्वामी होरें गी बी शामिल कीता गेदा ऐ। संसद दे दौनें सदनें 12 अगस्त गी इस बिल दी होर जांच करने लेई इक संयुक्त संसदीय कमेटी दा गठन करने पर अपनी रज़ामंदी दिती ऐ।



BRICS

भारत दा सुप्रीम कोर्ट अज्जै थमां नमीं दिल्ली च ब्रिक्स मुख न्यायधीक्ष फोरम दी मेजबानी करा"रदा ऐ जेदे च ब्रिक्स मिम्बर मुखें ते होरनें भ्याल देशें दे मुख न्यायधीश- सुप्रीम कोर्ट दे अध्यक्ष ते वरिष्ठ न्यायिक प्रतिनिधि शामिल होगंन। इस फोरम च हिस्सा लैने आले न्यायिक प्रतिनिधियें गी न्याय प्रणाली- अंतराष्ट्रीय मुद्दे दा समाधान- प्रोद्योगिकी ते विकास जनेह मुद्दे पर अपने विचार सांझा करने दा मौका थहोग। फोरम दे पैहले दिन भारत दे मुखन्यायधीक्ष सूर्यकांत होर रुस- चीन- मिस्र- इंडोनेशिया- संयुक्त अरब अमीरात- बेलारुस- तजाकिस्तान- दक्खन अफ्रीका- ईरान ते उज्बेकिस्तान दे न्यायिक प्रतिनिधियें कन्नै दबक्खी गल्लबात करगंन।



Janmashtmi

पूरे देश च अज्ज भगवान कृष्ण दे अवतरण आहला त्योहार “जन्माष्टमी” पूरी धार्मिक श्रद्धा ते जोश कन्नै मनाया जा’ रदा ऐ। इस मौके पर श्रद्धालू बरत रखदे न ते ठाँगरद्वारे जाइयै मत्था टेकदे न। भगवान कृष्ण दिएं पसंदीदा मठेआइएं ते दुए खानें गी बनाइयै उनें’गी भोग लोआया जंदा ऐ। पूरा दिन कृष्ण भजन सिमरे जंदे न ते रातीं’लै कृष्ण जन्म पूरे धार्मिक जज़्बे कन्नै मनाया जंदा ऐ। ठाँगरे दे बरतै पर भगवान कृष्ण जन्म दे सोआगत लेई मंदर ते घर बड़े सनाहकड़े तरीके नै सजाए जंदे न।



Prez-PM LG-CM Greetings

राष्ट्रपति द्रौपदी मुरमू होरें ठाँगरे दे बरतै पर देसै दे नागरिकें गी शुभकामनां भेंट कीतियां न। अपने स्नेह च राष्ट्रपति होरें आखेआ जे भगवान कृष्ण हुंदे जीवन ते शिक्षाएं भारत दी सांस्कृतिक ते दार्शनिक विरासत च नमीं जान भरी ऐ।

प्रधानमंत्री नरेन्द्र मोदी होरें बी देशवासियें गी “कृष्ण जन्माष्टमी” दियां शुभकामनां भेंट कीतियां न। “एक्स” पर पोस्ट कीते गेदे अपने स्नेह च श्री मोदी होरें आखेआ जे भगवान कृष्ण हुंदियां दिव्य शिक्षां- निस्वार्थ कर्म लेई प्रेरणा दिंदियां न- जेड़ियां सदियें थमां मानवता गी बत दस्सा’रदियां न। उ’नें मेद प्रगट कीती जे एह त्योहार सब्भनें दे जीवन च सार्थक ऊर्जा- ताकत- अमनशांति ते खुशी दा संचार करोग।

जम्मू-कश्मीर दे लैफ्टिनेंट गवर्नर मनोज सिन्हा ते मुखमंत्री उमर अब्दुल्ला होरें बी ठाँगरे दे बरतै दे पवित्तर मौके पर लोकें गी ममारकबाद ते शुभकामनां भेंट कीतियां न।

अपने स्नेह च एल.जी सिन्हा होरें आखेआ जे भगवान कृष्ण हुंदा जीवन ते शिक्षां
अपने च धर्म ते नैतिकता दी जित दा सार्वजनिक स्नेहा समेटे दे न।

मुख्यमंत्री उमर अब्दुल्ला होरें मेद दस्सी जे इस मौके पर जम्मू-कश्मीर दे लोकें च
साम्प्रदायिक समोध ते पराये आहलियां तंदा तगड़िया होगंन।

<><><><><><>

Janmashtmi Jammu

पूरे जम्मू प्रांतें च अज्ज “जन्माष्टमी” ठांगरें दा बरत पूरे धार्मिक जज़्बे कन्नै मनाया
जा’रदा ऐ। हट्टियां- बजार रंग -बिरंगिएं सजावट आलियें चीजें बस्ते कन्नै सजे दे न।
खरीददारी लेई लोकें दी आओ-जाई बड़े दिन थमां जारी ऐ। लोक भगवान कृष्ण दियां
मूर्तियां खरीदा’रदे न। लोक पारम्परिक लाबे- सजावट आहला समेयान- मठेआइयां ते
पूजा च इस्तेमाल होने आलियां चीजां-बस्तां खरीदा’रदे न। बक्ख-बक्ख ज़िला प्रशासनें
ते पुलिस नै सुरक्षा दे व्यापक प्रबंध कीते दे न। थाहरें-थाहरें चेक पोस्ट बने दे न ते
पुलिस गश्त चला रदी ऐ।

<><><><><><>

Nepal Flood

नेपाल च आए दे जबरदस्त हाइ कारण मरने आहलें दी गिनतरी इक जहार 259 तोड़ी
पुज्जी गई ऐ जदके 5 जहार थमां बद्ध लोक अजें बी लापता न। नेपाल पुलिस मुजब
चितवान थमां सारें शा बद्ध 355 लोथां बरामद कीतियां गेइयां न- जेदे मगरा
नवलपरासी पूर्व थमां 218 ते नवलपरासी पच्छिम थमां 212 बेपंछानू लोथां बरामद
कीतियां गेइयां न। नेपाल दे प्रधानमंत्री बालेन्द्र शाह होरें आखेआ जे एह त्रासदी सिद्धे

तौरा पर जलवायु परिवर्तन कन्नै जुड़ी दी ऐ ते इसगी अंतराष्ट्रीय मंच उप्पर तगड़ेआ कन्नै पुटना बड़ा मता लाजमी ऐ। तौआई नेपाल दी फौज दी अगुआई च चला रदी बचाव ते तुपाई कारवाई अजें बी जारी ऐ। सुरंगें चा बचाव करने आली भारतीय दल नै सियाबरू बेसी च अपना आधार शिविर स्थापित कीता ऐ- तां जे नेपाल दी टीम कन्नै मिलियै चिलीमी बिजलीघर च फसे दे लोकें गी सुरक्षित बाहर कड्डने दा कम्म तेजिया कन्नै कीता जाई सकै।

<><><><><><>

Nepal -Assistance

नेपाल च हाड़ें कारण बनी दी स्थिति च बचाव ते राहत कार्य गी अपनी सहायता देने लेई भारत नै 2 होर हवाई जहाज राहत समग्री कन्नै नेपाल च भेजे न। भारत दे विदेश मंत्रालय नै जानकारी दिती जे C-130J बनगी दे 2 हवाई जहाज 21 इशारिया 5 टन दी बक्ख-बक्ख चाली दी मनुक्खी सहायता लेइयै काठमांडू च पुज्जी गई ऐ। ए समग्री नेपाल दे साईस ते तकनीक मंत्री महावीर पुण होरें गी सौपी गई ऐ।

<><><><><><>

Cricket

भारत ने हांगकांग टीम खिलाफ वीरवारें महिला एशिया कप 2026 दे 7में मैच च 137 रनजें कन्नै बड़ी जित हासल करियै सैमीफाईनल च अपनी थाहर पक्की करी लेई ऐ। दुबई अंतराष्ट्रीय क्रिकेट स्टेडियम च पैहले बल्लेबाजी करने उतरी दी भारतीय टीम ने 20 ओवरें च 5 विकटें दे नुकसान पर 193 रनज बनाये। स्मृति मंधाना ने 64 बाल्ले च शानदार 124 रनज बनाए। स्मृति नै कैई विश्व रिकार्ड गी त्रोड़ी दिता ते अंतराष्ट्रीय

मैंचें च सब्भनें शा मते शतक मारने आहली महिला बल्लेबाज बनी गई। उनें'गी
प्लेयर ऑफ द मैच कन्नै नवाजेआ गेआ। हांगकांग दी टीम ने एहदे परते च 16 ओवरे
ते 2 गेंदें च छड़े 56 रन्ज बनाइयै All out होई गई। भारत दा हून अगला मुकाबाल
अफगानिस्तान कन्नै 13 सितम्बर गी होग।

<><><><><><><>